



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum ad Combustos XXXI

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

Medulle crurum u-
tuli } Sing. unc. IIII.
Cerui }

Misce probe omnia simul, & cum cera fiat unguentum. sit uero cera ut satis uidebitur conficienti. SE. In hac compositione nihil deesse arbitror ex his quæ ad lienem extenuandum faciunt. BRAS. Immo nihil deest ex his quæ haberi possunt. cum autem mihi magnæ displiceant medicamentorum compositiones, forte neq; hac uterer, nisi illam sexcenties expertus essem, & nūquam me fefellerit, uerum ipsam in ultimum seruo, cum alia non profecerint.

SE N E X.

XXXI.

Vnguentū igitur ad Combustos contēplemur. BRAS. Nunquam uidi tot diuersitates in his qui curantur, ut in cōbustorum præsijs, nā nulla ferè domus est, quæ sua non habeat præsidia, & pharmacopole in hoc etiam ungueto dissidentes sunt, tu quod seruas referto. SE. Hoc ego seruo quod sequitur.

Recipe Thuris unc. IIII.

Ceræ unc. VI.

Misce. BRAS. Alij simpliciter sambucinum, & ceram accipiunt. alij uero simile unguentum parant, ut tu facis, sed acetum addunt hoc modo, et non accipiunt sambucinum oleum.

Recipe Corticum mediorum sambuci quātum uis, infundatur in acetum per tres dies, deinde bulliant, addita

Olei communis lib. I.

Ceræ nouæ unc. I.

Thuris masculi unc. I.

Bulliant ad consumptionem aceti, & percolentur. Sunt aliqui

aliqui

BRASAVOLI

aliqui Ferrariae qui cum indicitur unguentum ad combustos, unguentum de calce praebent, alij ita conficiunt.

Recipe Corticis medullae sambuci unc. II.

Bulliant in sufficiente aqua ad duarum partium consumptionem, & colentur, deinde in dicta colatura adde

Olei nucum unc. IIII.

Misce, & bulliant lentissimo igne ad superscriptae decoctionis consumptionem. postea in fine adde

Cerae novae unc. II.

Misce, & fiat unguentum SE. Vidi & qui sambucino unguento ad combustos uterentur: immo nonnulli Ferrariae cum unguentum pro combustis indicitur, statim sambucinum praebent. BRAS. At quomodo conficitur?

SE. Hoc modo, ut uidi.

Recipe Rasurae corticis medij sambuci lib. I.

Olei communis lib. II.

Bulliant ad decoctionem rasurae, deinde torculari exprime, & huic expresso adde

Thuris puluerizati unc. IIII.

Succi ramorum tenerrimorum sambuci unc. IIII.

Cerae novae unc. IIII.

Misce, & bulliant ad succi consumptionem, postea ab igne remoue, & adde onophoron unum uini albi, dimitteq; hoc unguentum semper huic uino mixtum, combustumq; locum pena inunge. Sit uero unguentum hyeme tepidum, aestate frigidum, faciet hoc unguentum ut nulla ferè sit apparitura cicatrix. BRAS. Alij sunt qui mastichen, et myrrham addunt, ita procedentes.

Recipe Corticum medullae sambuci lib. I.

Olei communis lib. II.

Simul

Simul misceantur, & ita per tres dies permaneant, postea igni suspendantur. & bulliant quoad dimidia pars sit consumpta, postea bene exprime, & adde

Ceræ citrinæ unc. IIII.

Thuris

Mastiche

Myrrha

} Singulorum unc. I.

Misce, & fiat unguentum secundum artem, quod albo uino pluribus uicibus lauetur. S E. Nihil est quod eodē fiat modo apud diuersos. B R A S. Nec ullus inuenitur hō alteri similis. S E. Est ne aliquis antiquus huius unguenti author? B R A S. Illud inueni apud Nicolaum Alexandrinum capite. M C C C. sui de cōpositione medicamentorum libri. S E. Est ne eodem modo confectū ut ex præcedentibus unum? B R A S. Non prorsus. S E. Huius igitur authoris (ni piget) compositionem referto. B R A S. Hæc est quæ sequitur.

Recipe olei

Sepi recentis

Tenerrimarum sambuci frondium

} Sim. unc. IIII.

Aquæ quod sufficit.

Sepum tritum cum oleo, & aqua solue, & frondes inditas lēto igne coque, postea in mortario omnia diu cōterendo commisce, et cola, succum uero colatum in uase collige, & reserua. S E. Dicit ne hic author unguentum hoc ad combusta ualere? B R A S. Immo authoris uerba sunt, ad aquæ calidæ adustionē cōferre, et ignis: additq; ad idem ualere decoctionem oui inunctam, & capita raparum cum decenti adipe in aqua decocta trita, et imposita multū pollere. S E. Vidi q; in hyeme rapæ succo

succo

BRASAVOLI

succo usi sunt, et mire profuit. BR A. Ut superius dixi nulla domus est quæ peculiaria præsidia non habeat ad combustionem, sed mirum est præsidium, cum membrum illico combustum est, si exulceratum non sit, illico lintea supraponere aceto madefacta, & frequenter mutare. nimirum hoc frequenter causa est, ut neque excitentur ampullæ, lubeoque in illo initio oleum rosaceum omphacinum ex oui vitello combusto loco supraponi. talia in hoc casu fieri uidi, quæ risum potius uidentibus, mouere quam affectibus prodesse possint, de quibus cum de adustione agemus, et eius curatione pertractabimus. sat tibi sit unguentorum ad combustionem diuersitatem habuisse, & non solum illam quæ Ferrariæ est, sed et quæ in alijs Italiae urbibus inuenitur, ad alia igitur properato.

S E N E X.

XXII.

Unguentum Marciaton huc non segniter accedit. BRAS. Cum duo sint huius unguenti genera quod nunc conficis? SE. Illud quod à Nicolao describitur, et uocatur unguentum marciatum magnum. BRAS: Est illud quod à Martiano (ut ait) peritissimo medico nomen sumpsit, nam ab ipso inuentum fuit, et conflatum, inquit Ad capitis, pectoris, et stomachi dolorem ualet, et frigiditatem, ad splenis duritiam, et hepatis, & ad ilij dolorem, & ad solè et ad ignem inuictum statim subuenit, paralyticis, ischiadicis nephriticis et podagricis predest, tumores reprimit, durities remollit, ad spasmo affectos, & ad typhice febricitates ualet, & omnibus doloribus ex frigiditate uehementer medetur. At ipsius compositionem referto, ut illam contemplari possimus. SE. Hæc est quæ sequitur.

Recipe